

Txirritola

ARAMAIO / Barikua / 2003ko abenduaren 12a / 89. zenbakia

KOORDINATZAILEA: Ubane Madera • Otolara Lizentziaduna 31 20500 ARRASATE • Tel.: 943 71 25 11 • Faxa: 943 71 23 89 • Posta elektronikoa: txirritola@goiena.com • Lege gordailua: SS.1084/02

Aurtengo azkeneko osoko bilkura datorren astean

U.M.

Ezustekorik ezean, urteko azkeneko osoko bilkura egingo du udalbatzarrak datorren eguaztenean. Besteak beste, udal tasak eta prezioak aztertuko dituzte.

Ohikoa den moduan, 18:00etan hasiko dute batzarra zinegotziek. Gai-zerrendan denetarik izango dute aztertzeko. Esaterako, udal tasen (zergen) eta prezioen urteroko azterketa egingo dute, zerga eta tasa horiek eguneratzeko. Horrez gainera, euskara biziberritzeko planari onespina eman edo ez aztertu beharko dute. Eusko Jaurlaritzak abiarazitako ekimena da euskara biziberritzeko plana. Beste urte batzuetan ere sinatu izan du Udalak.

Horrekin batera, familia ugarien ordezkariak egindako eskaera ere aztertu beharko dute zinegotziek. Hain zuzen ere, ondasun higiezinaren gaineko zergetan %90erainoko hobaria eskatzen dute haiek.

AZKOAGAKO ABADETXEA

Bestalde, Azkoagako abadetxea berbagai izango dute. Arkitekto eta geologo banak eraikin haren egoeraren gaineko txostena egin



Askotariko gaiak izango ditu aztergai udalbatzarrak.

dute. Hain zuzen ere, horren berri emango diote udalbatzarrari.

Azkoagatik Zabolara salto egingo dugu. Izan ere, Diputazioak atzera bota du Aramaioko Hiri Antolamenduko Arauen aldaketa puntuala Zabolari dagokionez. Ondorioz, gaia berriro

aztertu beharko dute osoko bilkuran.

Bukatzeko, Ipiztekoarriaga mendian dauden zuhaitzak botatzeko lanen adjudikazioa landuko dute, eta kontu-hartzailearen egoera aztertuko dute. Laster kontratua bukatuko zaio-eta.

HERRITARREN HITZA / Manex Agirre • Ikaslea

Laurel eta Hardy

Kasualitateetan sinesten ez zuen hilkor arrazional horietako bat nintzen, aurreko ostiral batean Otxandiora bertso-afari batera kantuan joan arte. Testu-puska honekin hasteko, eskerririk asko eta benetan zorionak hain hurbil eta era berean urrun dugun herri bizkaitarrentzat. Eta jarraitzeko, konparaketa joko bat jarriko dizuet martxan, irakurleok:

a) Otxandiok mila biztanle inguru ditu. Herri txikia baina bizitzaz betea da (eta ez da gauza berria). Gazte asanblada indartsu bat du, gaztetxea martxan dago, eta igartzen da proiektu serio bat dutela esku

artean, eta oso batuta daudela. Kultur eskaintza oparoa dute, eta asteburutan mugimendu handia egoten da.

b) Aramaio (ai, Aramaio). Herri txikia BAINA hilkutxa batean sartua da. Gaztetxerik ez dago, gazte asanbladarik eratzeko inondiko borondaterik ez dago, mugimendurik ere ez (beti geldituko zaigu Anboto, baina...), siesta permanente batean dagoen herria, oesteko herri-fantasma,



"Herri txikia BAINA hilkutxa batean sartua da Aramaio"

sheriffa falta duena eta komeni ez zaiona, gainera.

Bi herri, biak biztanleria kopuru antzeratsukoak, baina bide paraleloki desberdinak daramatzatenak. Kasualitateetan sinetsi gabe, nork uler dezake hau? Arrasate ondo ondoan egonik, bertarako joera

dagoela, auzo ugari egonik biztanleria sakabanatuta dagoela...komentatu izan didate. Niretzat ez dira arrazoi nahikoa seigarren zentzumena-

LABUR

Bañera elkartekoek etxean jokatuko dituzte asteburuko areto futboleko partiduak

Joan den asteburuan, azkenean, Bañerako mutilek ez zuten partidurik jokatu. Datorren asteburuan, berriz, etxean jokatzeko tokia zaie bi taldeei. Hala, mutilek 10:00etan dute partidua, Jesus Obreroren kontra; eta neskek 11:00etan jokatuko dute, Francisco de Vitoriaren kontra. Mutilei dagokienez, urtea bukatu baino lehen jokatuko dute aurrekoan bertan behera geratu zitzaizen partidua.

Gabonetan zinema-saioak egiten segituko dute, domeketan, kultura etxean

Oraingo domekan, *Simbad, la Leyenda de los Siete Mares* izeneko filma emango dute, betiko moduan, 17:00etan, kultura etxean. Bestalde, Gabonetako oporrak etorri arren, jakinarazi digute domeka arratsaldetan filmak ematen segituko dutela. Horrez gainera, gogoratu 20an, 27an eta urtarrilaren 2an ere zinema-saioak egongo direla, ilunkeran.

Kultura etxean dauden itoginak konpontzen ahaleginduko dira berriro

Bati baino gehiagori sortzen diote burukomina kultura etxean dauden itoginek. Izan ere, behin baino gehiagotan ahalegindu dira konpontzen (3-4 bider), baina, Hirigintza Sailekoek jakinarazi digutenez, azkeneko euriekin berriro sartu da ura. Horren aurrean, oraingo astean berriro etorri dira langileak itoginak konpontzen ahalegintzera. Ea, bada, oraingoan lortzen duten.

Bañerako monumentua urte hasieran ipiniko dutela jakinarazi digute

Miguel S. Etxeberria Garmendia eskulturagilearen *Korapiloak* eskultura urtarrilean ipiniko dutela jakinarazi digute. Eskulturagileak berak erabaki du non ipini: Bañera parkeko erreka bazterean. Aramaioko olen eta uraren arteko harremana islatu gura du.

LABUR


Gabonetarako menua prestatuko dute Zubiondon

Gabonak datozela-eta, Txirritola Euskara Elkarteak antolatuta, datorren egunean, hilak 18, Gabonetarako menua prestatuko dute Zubiondo jatetxean. Garagartzako Arteaga jatetxeko Igor Ezpeleta sukaldaria ibiliko da sukaldean lanean; aurreratu digutenez, arrainen bat eta postreren bat prestatzeko asmoa dauka; gutia goxo-goxo, jakina. Nahi duena joan daiteke ikustera eta ikastera, gero Gabonetarako ideiak hartzeko. Sarrera doakoa da. 18:00etan hasiko dira lanean.

BOTEPRONTOAN/ Jose Luis Zalakain · Margolaria

“Margotzea zaletasuna baino gehiago da; izan ere, egunero hiru ordu inguru pasatzen ditut margotzen”

Gaur, barikua, zabalduko dute Sastiñan Jose Luis Zalakain margo erakus-keta. Tolosan jaio zen, Arrasaten bizi izan zen urte luzean eta Aramaion ezkondu zen. Harrezkero han bizi da, Ibargoian. Margolaria da. Eta egindako lanen erakusketa ipini du Sastiñan:



“Ehun margolan baino gehiago ditut; Sastiñan azken hiru urteotako lanak erakutsiko ditut”

zarela esango zenuke?
Hainbat fase izan ditut, baina gaur egun errealismo hutsa lantzen dut.
Autodidakta zara; bakarrik lan egiten duzu?
Bakarrik nabil, bai, baina irakasle asko izan ditut: Laskurain, Anton Juaristi eta Azkargorta bergararrak. Hasi Monterronen hasi nintzen margotzen, Amaiarekin.
Lan asko dituzu erakusteko...
Niretako margotzea zaletasuna baino gehiago da. Egunero hiru ordu inguru pasatzen ditut margotzen. Bestelako erakusketak ere egin izan ditut. 2001ean egin nuen azkena, Nafarroan; bakarka zein taldeka ipini genituen margolanak.
Gutzira zenbat lan dituzu, ba?

“Lazkano eta Azkargorta bergarar margolariak asko gustatzen zaizkit”

Ehun baino gehiago. Batzuk salduta... Sastiñan azken hiru urteotako lanak ipiniko ditut.
Hortaz, Sastiñan ere erosi ahal izango dira zure lanak...
Bai, saltzeko daude, noski.
Aramaio margotzeko leku ona da?
Bai. Polita da Aramaio. Leku bitxiak aurkitu ditut: iturriak, taberna... Eta oraindik auzoetan ia ez naiz ibili. Badago bai non inspiratu.
Zein da zuretako maisu eredugarria?
Velazquez gustatzen zait asko. Errealismoan, berriz, Antonio Lopez.
Eta Debagoienean?
Lazkano eta Azkargorta bergararrak gustatzen zaizkit.
Zer iruditzen zaizkizu Anboto tabernarenak moduko ekimenak antolatzea?
Neure kasuan, ez dut uste leku aproposa denik egiten ditudan lan handiak erakusteko; Sastiña ere ez da oso aproposa, baina ez dago besterik... Dena dela, nor bere lana erakusteko aukera dira. Neuk, adibidez, margolanak izan ditut ipinita Dukiena jatetxean.

TELEFONO JAKINGARRIAK

OSASUNA / LARRIALDIK

Osasun etxea (txandak) 945 44 53 40
Botika 945 44 50 03
Udaletxea 945 44 50 16
Erzaintza (Arrasate) 943 79 71 99
Gurutze Gorria (Legutio) 945 45 52 52
San Martin Eskola 945 44 50 04
Taxia eta autobusak 945 44 50 33
Udal Kiroldegia 945 44 53 35
Postetxea 945 44 50 83
Zulako Eskualdea 945 43 01 67
Suhiltzailak (Zubillaga) 943 78 28 00

AUTOBUSORDUTEGIA

| ARRASATE | ARAMAIO | GASTEIZ |
|----------|---------|---------|
| 07:00 | 07:15 | 08:00 |
| 10:00* | 10:15 | |
| 11:00 | 11:15 | |
| 12:00* | 12:15* | 13:00 |
| 15:15 | 15:30 | 16:15 |
| 17:20 | 17:35 | |
| 18:30* | 18:45 | |
| 18:30 | 19:45 | 20:25 |
| 19:00 | 19:15 | |
| 21:00* | 21:15 | |

| GASTEIZ | ARAMAIO | ARRASATE |
|---------|---------|----------|
| | 07:50 | 08:05 |
| 08:15 | 09:00 | 09:15 |
| | 10:15* | 10:30 |
| | 11:15 | 11:30 |
| 13:10 | 13:55 | 14:10 |
| 16:20 | 17:05 | 17:20 |
| | 17:35 | 17:50 |
| | 19:15* | 19:30 |
| 19:30 | 20:10 | 20:25 |

OHARRA: izartxoak dituen orduetan eskaeraren araberako zerbitzua eskaintzen dute. Auzoetako bizilagunei zuzendutakoa da, eta autobusa erabili gura badute, bezperan deitu behar dute honako zenbaki honetara: 629 54 59 23

Margolaria, denbora librean ala lanbidez?
Margotzea gustatzen zait, eta egiten dut, baina oraindik ez da posible lanbide izatea.
Noiztik margotzen duzu?
Orain dela 10 bat urtetik hona. Hasieran zeramika lantzen ibili nintzen, hiru urtez, Arrasaten; apurka-apurka margotzen bukatu nuen. Dena dela, txikitan asko margotzen nuen.
Zer ikusiko dugu Sastiñako erakusketan?
24 margolan aukeratu ditut. Gehienak olioz egindakoak, baina badaude akrilikoz egindakoak ere. 12 margolan Aramaio txokoen gainekoak dira eta beste 12en artean denetarik dago: erretratuak, natura hilak, barnealdeak...
Margotzen zein estilotakoa

Goienkaria-k hitzordua egin nahi du zurekin ASTELEHENERO

Egubakoitzez gain, astelehenetan ere badugu

- ✓ zer esan,
- ✓ zer erakutsi,
- ✓ zer proposatu.

Zure astelehenak... **gurekin**

Goienkaria ASTELEHENERO

• Zer eskaintzen dizu Asteleheneko Goienkariak?

- Gure eskualdean asteburuan gertatutakoaren informazioa inork baino lehen eta inork baino sakonago.
- Asteazkenean albiste izango denaren aurrerapena eta hitzorduen berri.
- Gure enpresen gaineko informazioa.
- Zure herriko kirol taldeen kronikak, emaitzak, sailkapenak...
- Ume eta gaztetxoaren Eskola Kirolaren gaineko informazioa.
- Asteburuko kirol ekitaldiekin egindako argazki-bilduma.
- Gure kirol talde nagusiak (Realak, Athletic...) Debagoienetik ikusita.
- Debagoienean antolatzen diren kultur ekitaldien kronikak.
- Zerbitzu-informazioa: asteburuan jaiotako argazkiak, zorion agurrak, eskelak, intereseko telefonoak, lan poltsa, inbiliarriak...
- Lehiaketak, denbora-pasak...



0. alea LASTER KALEAN